

آدرس :

اجتهاد اداره خانه سی :

دارالعلمین قارشینه دائرة

مخصوصه در .

سنه ۱۰ آتونه بدلی ۴۰ غروش، نخه سی

۵۵ پاره در .

اجتهاد

آدرس :

IDJTihad

Constantinople

دور دنجی سنه

نچشنبه کونلری نشر ایدیلیر اقتصادی ، اجتماعی ، ادبی مجموعه

حکومتلر دوشورلر دوشر

بوعنوانی و بوموضعی الهام ایدن شی ، دون و بوکون غزتهلرده او قودیم تشبثات حکومت بر اندازانه و بونک کشفیه اجرا اولونان توقیفات مسئله سی در .

مسئله یی نه سیاست ، نه انضباط ، نه فده پولتیقه نقطه نظرندن معاینه ایده جک دکم : اونلر بنم ساحه اجتهاد و فعالیتک خارجنده در . کرک حکومتک کرک حکومت بر اندازلرک معلومی اولمالی درکه حکومتلر اسقاط اولونماز ، سقوط ایدر .

باشقا بیر تعبیرله سوله مک ایسته نیرسه حکومتلری دوشورن یننه آنجاق کندیلری در دینله بیلیر .

حکومتلرک ، شکل و اسملری نه اولورسه اولسون مطلقا افکار عمومی اوره رینه استاد ایدر . افکار عمومی نه معدومیتی ظاهر آ- معدومیتی ده افکار عمومی نه موجودیتی کیبی حکومتلره استناد کاهلق ایدر .

دیمک که حکومتلری یا موجودیتیه یا مفروض معدومیتیه و هر حالده طوتان ، یاشانان افکار عمومی در داها دوغروسو افکار در .

شوحکم و مطالعه قبول اولوندوقدن صوکره حکومتلرک سقوطی ، کندی کندیسینی افکار اوکندده دوشورمه سیله و آنجاق بوضورتله حاصل اولور ، دعواسی تأید ایدر .

افکار عمومی نه ک آز بولوندینی ادعا اولونان مملکتی تورکیا مذر . بونکله برابر بویوک کوچوک ، اول و آخر وقوعه کلن انقلابلر ویا تقلیللر هپ افکار طرفندن و افکاره استاد ایدیلرک صورت پذیر اولمشدر .

اون سنه دن اولکی ادواره کیتیمیه حاجت یوق ، سلطان عبدالحمید حکومتی خلقک نظرندده مستکره و ازدر خسار کورونیمیه باشلاماش اولسه ییدی و استکراه و تنفر خواص مقریته قادار اتساع ایتمه سییدی سلا نیکده ویا آرناتودلقده حصوله کلش کچی بیرغلیان و غضب اونی دوشوره بیلیرمی ایدی ؟

کذلک اتحاد و ترقی فرقه سی سوء نیت دن ، شبهه سز ، دکل ، فقط تجربیه سزک و بعض مرتبه سوائق انفسیه یه ترک عنان ایتک و صوک انتخاب مبعوثانده فضله و مضر پارتیزانلق کوسترمش اولماق و داها بعض اجتماعی واداری خطالره دوشمک یوزندن افکار عامه ده دوشمه سییدی . غازی مختار و کامل باشلرک حکومتلرینه میدان قالیرمیدی ؟ آتشلی و متور ، متین ولین بیر اداره نک فقدانی

عزمسزلك ، جسارت وجدانيه جه فقيرلك ، بصيرت سيا -
سيه دن محروميت بيله لری بزم ، اتحادی ، بالقان لرده ترقی یی
داخلی عدوانلرده نیجی ایندیردی !

ینه اویله جه ، کامل پاشا قاینه سی اداره حیدیه نك
متروكات ملوئیه سیله پایتختی ، کونه بین ، مقدوح و مکروه بیر
سیاسته قاپیلاراق ، خفه کرو هیله اشغال و هر دوشون قفانك
محبسده ویا منفاده بولونماسی آرزو ایتمك سقامتیه و هر
شیدن اول اولاد و اقربا یرلشدرمك کی بجق کوزه باتان
اجرا آت خودکامانه ایله کوزدن دوشمه مش و اتحاد و ترقی
حکومتی آراتمامش اولسه یدی بیر قاج روولور ضربه سیله
دوشورولمك امکائی اولور میدی ؟

اتحاد و ترقی فرقه سی خلوص نیته اولدیغنه اعتقاد ایدییورم ،
حکومه کلدی ، عزت نفسمه داهایز اغیر شر ائطه صلح ایتمك
و (ادرنه) یی قورتارماق وعد و امیدیه کلدی .

بوامید و وعد یا شادجه اتحاد و ترقی حکومتی هر درلو
تعرض مؤثر دن کندیسینی مصون بیه بیلیر .

بیر قاج چو چوغك ویا دلی قانلیك دلی قانلیغنی یوکسك
ومغورور بیر نظرله کوره بیلیر . حکومت حاضرده یی استرقاب
ایدنلردخی اونا ساف اولماق امانی بیه مك ایچین هیچ ایی
بیر زمان انتخاب ایتمه دکاربیه مطمئن اولابیلرلر .

خالص ، منحصر آملت و حریت طرفدار یی ، مستقل و بی
قد بیر وطن داش اولماق حیثیتله حکومت حاکمه یه عزم
تانی کار و تانی عازمانه توصیه ایدرمم بوکون هر کس ایچین
قدس و طائف حیثیت ملیه ایله محاربه دن چینه اق چاره لری
تأمل ایتمك و اوچارلره متوسل اولماقدیر . و بوتأملدجه من
تک بیر آدم کی حرکت و حسن ایتمك در . بن بواعقادی بیلدرم .
هر طرفی یانغین صارمش اولان بوخانه جمله مزك مشترک
خانه مزدر . یوره کده کی یانغین ده جمله مزك یوزکمر مزده آه
عینی شدتله یانسه ؟

۴ مارت ۱۹۱۳

عبدالله جودت

چفتیجی فرقه یی

حقیقی قورمان کویلردر ،

حقیقی وطن پرور چفتیجدر ،

حقیقی انقلاب انقلاب زراعیدر .

بوندن اول « تنظیمات » غزته سندده بوسرلوحه ایله
یازدیغیم مقاله ده مملکتیمزك بکانه منبع تعیش و ثروتی اولان
و باخصوص شمعی به قدر اوکسوز قالب صاغن صولدن
خیر بالانان زوالی زراعتك ترقی و تعالیینی ایله بیچاره
کویلولر مزك تأمین رفاه و سعادت ایچون بر چفتیجی فرقه سنك
تشکیلی مملکتیمز ایچون بر حیات و ممت بستمه سی قدر اهم
اولدیغنی بیان ایله بو مسئله یی عموم وطن پرور عثمانلیرك
نظر دقت و انتباهلرینه عرض ایتمش ایدم . بوندن بر قاج
کون مقدم « اقدام » غزته سندده بر ذات محترم ، لطفاً ،
مذکور مقاله مدن بحثله بویله بر فرقه نك تشکیلی مملکت
ایچون بادی سعادت اوله جغنی بیان ایتمش ایدی . ایسته
بویکی مقاله دن سوکرده هر شی اوئودولش و بومهم مسئله دخی
سائر بتون ایشلر مزك کی جریان طبعیسنه ترك ایدنلشدر .
مع التأسف بزده مطبوعات عثمانیه خصوصیه ترك مطبوعاتی -
چونکه بن اون بش سنه دنبری ارمنیجه غزته لرده زراعی ،
اقتصادی و تجاری مقاله لر یازمقده سم . مقاله لر و سائر بو
مقاله لرده مذکور غزته لر طرفین چوق دفعه لر باش
مثالو مقاله صره سندده طبع اولمقده در - مسائل زراعیه ،
اقتصادیه و تجاریه به پك خور نظرله باقماقده در . آرد صره
زراعتك مملکتیمز ایچون اولان اهمیتدن بحث ایدلر یکنی
یومی غزته لر مزده کورمکده ایه مده بوننر هپ قوری
باتیردین عبارت اولوب ، شونك بونك خاطرنی قیرماق
ایچون بر کون سوکرده هر شی اوئودولمقده و بر کوشه یه
آیلمقده در . بز شرقلیلرده مع التأسف شیمه تتبع ، شیمه